

Christliche Leichpredig.

gebettet / mit gutem verstand / biß ein halbe stund vor ihrem seligen abschied / da ihr Gnade zum Beschluß gesagt: Nach diesem Leben / das Ewige Leben. Zu morgens am Sams- tag / zwischen sibem vnnnd acht Vhren / ist ihr Gnaden ohne regung / vnd bewegung einiger Ader / oder Glidts / seliglich in dem HERN Jesu verschieden / nahe bey 77. Jahr ihres Alters. Dis ist nun das Christliche Leben / vnnnd Selige Sterben / meines Gnädigen / in Gott ruhenden See- ligen HERN / der Ewige / Barmhertzige Gott / ver- leyhe vns auch zu seiner zeit / ein solches seeli- ges Ende / A M E N.

Gebett nach der Predig.

HERR Allmächtiger GOTT / du Vatter der Barm- hertzigkeit / vnd GOTT alles trostes / wir arme Sünder / aber doch deine / in Christo Jesu erwehlte liebe Kinder / sagen deiner Göttlichen milde / vnd Väterlichen güte / herzlich Lob / Ehr / Preiß vnd Danck / daß du nach deiner Barmhertzigkeit / vns vnsern gnädi- gen HERN / seligen / so vil jahr gelassen / vnd in guter gesundheit erhal- ten hast / der vns Regiert vnd vns vorgestanden wie ein Vatter seinen Kindern / vnder welcher Regierung wir viel hohe vnd grosse Woltha- ten an Seel vnd Leib / von dir ewigem Gott empfangen haben / sonder- lich daß du vns dein H. Wort / vnd seligmachendes Euangelium rein vnd lauter hast Predigen / vnd vns dardurch beruffen vnd laden lassen zu dem ewigen Leben / auß welchem wir dann viel guter Lehren / nutzliche warnungen / vnd lebendigen Trost gehöret / die H. Sacra- menten nach deiner Einsagung empfangen / vnd gebraucher.

Vber das / sind wir auch durch deine verlenhung / vnder ihrer Gnaden Schutz in guter ruhe / vnd friden gessen / O du grosser All- mächtiger Könige der Ehren / der du aller Menschen Herzen in dei- ner Hand hast / wir bitten dich herzlich / erfülle vnd begabe / mit Weißheit / Rath / Verstand / vnd mit deinem H. Geist / je länger je mehr vnsern